

# PRVI LABORATORIJI U BIH SA MEĐUNARODNOM AKREDITACIJOM



Piše: Azemina KLOBODANOVIĆ, dipl. inž. rukovodilac kvaliteta


Početkom 2009. godine Institut je zvanično uključen u projekat „Podrška za jačanje sistema akreditiranja BiH i potpisivanje sporazuma između Instituta za akreditiranje BiH (BATA) i EA uključujući akreditiranje ispitnih i kalibracionih laboratorija od norveškog Akreditacionog tijela (NA)“. Od svih laboratorija sa područja BiH akreditovanih od BATA, odabrano ih je pet Metalurškog instituta „Kemal Kapetanović“ Zenica da budu akreditovane i od NA. Već u maju te iste godine obavljeno je pretocjenjivanje, a u martu 2010. i njihovo početno ocjenjivanje. Dio projekta koji se odnosio na njihovo akreditiranje uspješno je okončan sredinom novembra 2010. godine, posljednjom fa-

zom ocjenjivanja pet laboratorija uključenih u ovaj projekat.

Kao rezultat ovih aktivnosti dodijeljene su dvije akreditacije od norveškog Akreditacionog tijela: jedna za područja ispitivanja, a druga za područja kalibracija. Radi se o sljedećim laboratorijama: Mehaničkom (u oblasti ispitivanja i u oblasti kalibracija), Metalografskom, Fizikalnom (u oblasti NDT) i Laboratoriju za tehnička mjerenja (u oblasti kalibracije mjerila za temperaturu).

Ovo su prvi laboratoriji u našoj zemlji kojima su dodijeljene i međunarodne akreditacije.

To nije značajno samo za Metalurški institut „Kemal Kapetanović“ već i za Institut za akreditiranje BiH (BATA), odnosno za BiH. Na ovaj način, naše nacionalno tijelo za akreditiranje, sada je korak bliže ka potpisivanju sporazuma sa EA (European Coordination for Accreditation), što znači da će određene usluge upravo ovih laboratorija biti prihvaćene i izvan gra-



nica naše zemlje - **bit će omogućen lakši pristup BiH privrede međunarodnom tržištu robe i usluga.**

O čemu je riječ? Mnoge kompanije, prvenstveno strane, imaju povjerenje isključivo za usluge laboratorija koje je akreditovalo akreditaciono tijelo koje je i samo priznato od EA. Sada će to biti i ostvarljivo, jer određene laboratorijske usluge neće biti potrebno obavljati izvan BiH kako bi bile prihvatljive kupcu.

